

南

耕

詞

南耕詞卷五

宜興曹亮武南耕誤

憶江南

匡廬雜憶

廬山憶錦礪度危梁。雪壓松梢。人寂寂。天連山寺路。
茫茫此景最難忘。

前題

廬山憶躡屨上天池。秀削千峰。頻倚杖。寒侵六月每。
添衣。一載竟忘歸。

前題

廬山憶最憶上霄峰。秦石崢嶸蹲似虎。海棠倭倭勢猶龍。十里爛霞紅。

始皇名一石曰寒濤海棠數千株亦始皇所植

前題

廬山憶往事。一星星。着屐曾過三峽。欄攤書時。傍四仙亭。靜夜對禪燈。

前題

廬山憶明月。照松間。臺號清涼。園石壁人從窈冥。叩雲關。相對總蕭閒。

老僧雲開居清涼臺去天池不遠時相過從

前題

廬山憶寒月。浸幽窗。開到梅花。須捲幔。藝成蘭畹。好
攜牀。睡去夢猶香。

前題

廬山憶開徧。杜鵑花。啼向枝頭。爭染血。映來衣上。作
明霞。相對勝還家。
南山有此相傳以爲蜀種不易得惟廬山最多

前題

廬山憶五老。俯層霄。呼吸自應通。帝座空濛相與奏。
雲璈彭蠡見輕舸。
侯水部攜歌兒並奏管絃如聞天樂

前題

廬山憶曾入玉川門路嵌一拳從地湧泉飛三疊自天分不辨有朝昏

前題

廬山憶一綫吐青天瀑布晴飛三百丈松濤夜落二千年蕭瑟不成眠

山中多秦漢時松栢

桂殿秋

平望夜泊

煙淡淡水濛濛越溪黏接舊江東吳娘一曲醒殘夢

月滿船頭又起風

長相思

無題

山無窮水無窮。昨夜燈花。賺煞儂。知他隔幾重。惜
春風。恨春風。半晌相逢。憶夢中。如今夢也慵。

點絳脣

獨坐

簾捲空亭一池明。月風吹皺。幾杯殘酒。看到黃昏後。
花影繽紛。少個人兒。否。吾何有。恁時消受。笑執纖。

纖手。

浣溪沙

溪山紀遊

來往雙溪路不遙。蒲萄春漲十分嬌。爲憐山色倚蘭橈。
日落重過蝦籠嘴。鄰船先已泊紅橋。醉眠篷背聽吹簫。

蝦籠嘴西
溪港名

前題

好鳥因風不住鳴。萬竿修竹染山青。洗腸池畔石爲屏。
偶過閒僧聲寂寂。乍逢遊女笑盈盈。春來亭榭

劇開情

洗腸池南嶽伏虎禪師遺迹也

前題

迤迤銅官西復西。輕飄恰趁好風吹。此間何似牧之
陂。十里曉山環竹塢。半篙春水漾桃溪。綠陰深處

嘯黃鸝

竹塢桃溪皆張渚地名

前題

曾借曼殊丈室居。竹陰松影落飈飈。一規涼月夜窗
虛。岳上白雲長不散。池中還有臥龍無。亂崖西豁

眺晴湖

曾與尊菴讀書曼殊室中白雲岳在龍池巖高處

前題

巧闢都無斧鑿痕。洞還生洞絕纖塵。冶遊人去鎖閒
雲。祝女粧臺荒草沒。李唐遺殿劫灰焚。雷書偃栢
悵何存。善權寺相傳爲祝英臺舊宅。無梁殿乃唐時
遺構。焚於甲寅九月雷。書偃栢寺中故蹟也。

前題

白甄家家作活忙。溪橋山店映垂楊。敗甌殘甕壘圍
墻。憶昔買田兼買宅。坡仙千載姓名香。森森松栢
滿祠堂。吾宜蜀山麓器所
聚有東坡書院

前題

蘆火熒熒燭洞天。張公邃室最陰寒。如鴉蝙蝠自蹢躅。
颺仙去不須仍化鶴。幻成翁姬住人間。石牀丹竈。
尚依然。張公洞中卓然
兩石宛如翁姬

前題

窈窕春山入幾重。一群驕馬月明中。疎鐘撞處是芙蓉。
朶朶峰頭真秀削。相傳三到有龐公。種松千箇。
盡成龍。尊菴邀陪李邑侯王參戎月夜
入芙蓉寺寺左有龐公三到亭

前題

岸上驕嘶白鼻騮。画船低掛綠窗紗。春山相與醉流

霞○誰○琢○青○斃○如○琢○玉○陳○家○兄○弟○盡○名○家○門○前○淺○水○
浸○桃○花○
遊芙蓉後泊舟川埠三日始歸陳觀
侯子胎鳴遠鳴謙皆一時斃壺名手

前題

玉○女○人○間○不○可○留○我○來○無○復○舊○粧○樓○洗○頭○盆○在○碧○雲○
浮○石○壁○幾○聲○啼○鳥○去○空○潭○一○片○落○花○愁○夕○陽○松○下○
冷○颼○颼○
玉女潭向有梳粧樓今已毀

采桑子

和敘彝上人招賞桂花原韻

溪○西○十○里○遙○相○憶○隱○隱○疎○鐘○佛○火○微○紅○
掩○住○禪○關○百○

尺桐。明朝定赴看花約。遠水煙籠。幾點晴峰。一任風吹不轉篷。

送次山再遊京師

昔年作別風流甚。執手依依。裘馬輕肥。爲憶髯兄一寄詩。如今同遊西州淚。情緒如絲。更有誰知。送爾春堤再去時。

援春令

再過雲起樓感賦

捲簾人去。畫屏空。問池亭誰主。記昔年。腸斷香閨裏。

鵲哥覺能傳語。低徊遺掛瓊簫處。賸芳心幾許。悵舊情冷落梧桐庭院。一陣廉纖雨。

醉花陰

卽事

坐傍閨蘭香暗瀉。把酒簾兒下。雙頰暈微紅。似醉如羞。看難罷。重來莫待花將謝。密意真無價。明月滿空亭。底事因循誤了團圓夜。

雨中花

東郊感舊

啼老流鶯花已謝。驀記起香詞味罷。荷葉田田桐陰
瑟瑟。依舊粧樓下。半晌無人愁暗惹。但四壁蛛絲
斜掛。垂上窗檯。蝸涎字蹟閒煞。茶蘼架。

臨江仙

卜居南澗作

我欲移家南澗住。此身及早投閒。三間老屋對青山。
柴門雖在風雨。不須關。無數梅花。無數竹。小樓日
日高眠。一灣流水綠楊邊。好天良夜。獨泛画溪船。

芭蕉雨

驟雨

盡日昏然若醉雨。師偏灑落窺人意。一霎電追風厲。
爲挽碧落銀河。歛蒸盡洗。海天何異墨。瞬聽屋瓦。
紛起如萬馬。戰場驍騰勢轉。六月作深秋。今夜水簾。
雲幃容吾熟睡。

千秋歲

春情用淮海韻

燕飛花外春遣餘寒退。簾影漾波紋碎。含愁攏鬢影。
憶夢授裙帶。看戲水鴛鴦小小偏成對。曾向瑤池。

會荷柱初擎。蓋揮別淚痕。猶在音塵終斷絕。密意無時改。君信否。夜長脉脉情如海。

洞仙歌

毘陵西郊僧院訪雲臣

餘寒料峭。泊春堤沙觜。爲覓吾鄉老名士。溪山還共。有無限韶光。何自苦偏做客身閒寄。僧雛停梵唄。指點斜廊。屐響蹺然乍驚喜。執手漫論心却道無膠。吟情在竹枝詞裏。時雲臣以竹枝十數首見示悵日落風吹片帆。歸只一樹梅花伴伊孤睡。

愁春未醒

同內杲亭看月

湘簾半捲。天氣新晴還冷。喜蟾兔。憐卿憐我，相對偏
明。翠袖凭闌。一池春水若含情。人聲都靜。香添酒煖，
心境雙清。好似舊時鹿門夫婦。身世俱輕。慣消受，
濛濛花影。晷住閒亭。自笑疎慵。不須搔首嘆無成。良
宵堪惜。齊看伴。忍負今生。

水調歌頭

將過洞庭山訪梅夜醉韓老家作

小泊太湖口。未值過湖風。茫茫雪浪千頃。山色有無中。自笑非商非估。總爲訪梅情熱。此意許誰同。明日洞庭去。雙槳劃晴空。喜我至具雞黍。是韓翁老春。慣爲余釀。韓善釀。余酒素旨。皆出其手云。相勸有醇濃。不枉吳天生長。且向醉鄉作達。涼月滿船篷。兒起唱銅斗。吾唱大江東。

示襄兒

念汝鮮兄弟。負荷絕非輕。人言將相無種。努力振家聲。風氣縱然日上。竊恐不諧於俗。應否筆爲耕。所望

崇令德。最誤乃浮名。吾休矣。長貧賤。了平生。世間
齷齪餘子。不慣與逢迎。既少陸生。裴橐。又未陶朱。力
作傲骨。但峻嶒。慎莫學爾父。垂老竟無成。

燭影搖紅

其白表弟客燕三十年旋里未幾仍以赴選

入都賦此贈別

弟竟歸耶。極歡翻惹愁。如海髻年一去。永相望。詩酒
和誰賽。不道此生還再。羨毛錐處。囊能耐。慰吾朱紱。
遂爾青雲戟門。風在。執手匆匆。霜天未了。長途債。

悲歌送別復何言。不減疎狂態。莫忘東吳蝦菜到功。
成拂衣須快雙溪煙月。單舸鶯花待君同載。

醉蓬萊

寄贈潘澈浦

問江東人傑底事分符。向南天去。聞道心情只愁如。
羈旅我困蓬衡。自君之出。念雞鳴風雨。踏月尋花分。
題醉酒都成虛語。報政成時。恰當強仕瑞有嘉禾。
號稱慈父。此日龔黃定他年。伊呂遙望蠻溪故人知。
也共離懷。千縷賴有雙魚頻頻。江上寄相思句。

和次山送鄧尉援梅原韻

記花前惜別。君未張飄。余先振柁。風信頻催。趁春晴。
方大。一水柔藍。船如天上有酒。何妨坐行。樂爲佳。誰。
能鬱鬱。足教長聚。况值梅開。宿推吳會。近訪遙。援。
那停單舸。長蕩湖邊。便夜遊。都可數把香詞。低吟薄。
暮喜故人知我。欲去還看。枝枝瘦影。月來雲破。

暗香

援梅

凍雲如墨。把援春心事。盡情堆積。恰喜乍晴。拖履重。

尋冷游迹。多少瓊枝鐵幹。都教迸蓓蕾。密縱不怕。
霜壓風欺。將綻却無力。寒勒未全坼。似倩女。試粧。
見人生。澀倚闌小立。微露羅浮舊標格。惆悵群芳黯。
淡爭冷落。粉香消息。且笑問。卿許嫁。更須幾日。

東風第一枝

試燈夜同雲臣天篆蓉仙讌集蔭綠軒

未是元宵居然不夜。先生與客高會博山寶篆。煙浮。
画棟火毬影碎。相看俊侶。算此樂真堪忘死。况董生。
萬里歸來。拚取一番沉醉。休憶着故人遠仕。
謂尊

港

休說着故人長逝。謂逝陵酒狂舍我其誰。墨妙似君有。
幾。竹逸善書吳筠首倡。定不讓零陵才思。向露涼月冷。微
吟陣陣。暗香風細。

念奴嬌

姚邑侯招飲梅花下喜松竹掩映其間因命

作歲寒三友詞

虬枝鐵幹被東風吹透。冷香千斛。一望濛濛。渾似雪。
映帶水邊修竹。松作龍鱗。何年種就。斜倚花間屋。呼
余共醉。陶潛春釀初熟。漫道天上看花。月中攀桂。

於我何榮辱。只與眼前三益友。銷受半生閑福。君已
辭官。吾方閉戶。問有誰拘束。軟紅塵裏。任他餘子。鹿
鹿。

將訪梅鄧尉。二隱兄已數月病瘡不克偕往。

詞以發之

世間奇癖。算吾家兄弟。兩人而已。不羨神仙兼將相。
一樣貪山嗜水。屋角栽梅。籬間種菊。此外無生計。向
來相見。酒酣悲嘯同起。今日欹枕題詩。

時兄有病
中十味

傍牀煮藥。二豎何堪爾。焦臍憑陵。真可殺。況誤半春。

花事鄧尉香浮銅坑白徧所少唯君耳誰爲七發瀕
行聊爲歌此

憶女

自從襁褓到垂璫燥髮掌珠憐汝聊作嫁衣相送日
那禁淚零如雨賃舍爲家王郎難托不比臯橋廡當
年堪笑猝然一諾皆誤遙想雪壓荒郊風欺敗壁
最淒涼難任夢裏持爺頻擗踊知爾連宵歸訴早識
而今安排無策生女何須哺尙平雖畢念伊殊愧爲
父

水龍吟

送赤浦還西陵

三。年。惟。汝。纔。來。如。何。又。東。行。裝。去。人。生。有。幾。那。堪。常。
別。黯。然。無。語。只。道。空。門。如。雲。似。水。本。無。愁。緒。到。將。離。
時。候。片。帆。東。指。知。還。有。牽。情。處。惆。悵。半。春。風。雨。算。
天。涯。最。難。行。路。今。朝。驀。地。浮。踪。更。逐。亂。萍。飛。絮。我。欲。
爲。君。西。溪。溪。畔。徧。栽。祇。樹。問。龐。家。靈。照。何。時。一。棹。把。
茅。來。住。

喜遷鶯

寄懷章天節卽次見贈原韻

感君真意向。樗櫟庸材取。人之棄孰數。貧交偏能弟。
畜只有袁絲。堪擬一別爲時若。瞬又見丹楓老矣孰。
可語。但南樓相對。國山螺髻。須記徒屈首。終歲兔。
園誰謂非窮士。團扇貽來雙魚寄。到中有相思錦字。
不禁沉吟半晌。人在春申江汜。問甚日過梅廬共枕。
新聲重倚。

瀟湘逢故人慢

同天石天篆京少集蔭綠軒時京少將有楚

遊用宋人王和甫韻

先生無恙。方辭官萬里。高臥雲窩。春風軟於羅看池。
面吹皺鴨綠新波。梅開婀娜。恍霏霏雪壓庭柯。漸牽
惹蝶忙蜂鬧。軒前蔭綠如簑。雨初霽。家釀美便招
邀。酒徒吟侶相過。共醉舞婆娑。况天上銀蟾頻勸金
荷。人生行樂。又何事。忽唱驪歌。片帆指漢江湘水。此
宵忍負暄和。

傾盃樂

庭梅初放。張燈其下。餞別陳子。次山同天篆。

天壁星客分賦

簷雪纔消。街泥正滑。春晴未穩。問何事輕帆早掛。故人偏惹離情。淒緊庭梅幾朵。傳芳信。倩伊留住。直須看到堆粉。此花應惜。況是群公袞袞。縱寂寞冰輪。休恨有鳳脰。麟膏。燈結陣。映分箋。綵筆光搖。慚予照見霜鬢。枉擲却年華一瞬。且更把屠蘇傾盡。願別後頻寄我。雙魚莫靳。

望梅

遊鄧尉

煙風輕颺漸。搓將柳線繁。來煙舫。倩筇輿。送入春山。
恰十里繁英。昨宵都放。一望濛濛。恍萬疊瓊濤銀浪。
且閒憑石磴。漫倚寺門。恣意吟賞。人生屐能幾兩。
聽鳥啼頻換。樵簾初響。記昔年彷彿。曾遊只我已成。
翁輸他無恙。癸未從先子看梅余甫七歲纔把青尊。見香雪斜飛。
低漾恨難淹。急景天外月輪又上。

薄倖

將遊鄧尉舟中用迦陵詞韻

春衫針線倩女手親縫。一徧重摘個船兒吹去。囑付

目録卷五
五
帆風休轉。愛傍堤楊柳。多情邀人小。試尋芳。扇任客。
我吳中浮家天上。忍負東皇私眷。奈慣是。撥花地。
頻問訊。今年較慢。縱天邊月姊。連宵作伴。梅妃空谷。
相憐遠。露珠初濺。啓篷窗。算到銅坑。可許愁腸換。停
杯寄語。須遣瓊英盡綻。

風流子

遊惠山秦園

二泉亭最好。分流處。日夜洗雲根。況翠疊青山。入簾
滴滴。月移春水。映樹鱗鱗。還堪美酒旗無數。颺鳥語。

不。時。聞。此。日。園。丁。休。嫌。野。老。隔。年。梅。蕊。應。認。王。孫。
從。來。繁。華。地。重。留。戀。倍。覺。香。霧。氤。氲。一。帶。朱。欄。拂。柳。
画。檻。縈。人。被。金。尊。促。起。數。聲。檀。板。鈿。車。送。到。幾。隊。羅。
裙。且。自。牽。船。竟。去。莫。待。銷。魂。

疎影

月夜醉梅花下作

珍。珠。萬。斛。向。樹。頭。綴。滿。香。沁。空。谷。側。帽。閒。行。林。下。凝。
昨。月。籠。花。影。微。綠。攜。尊。數。取。墻。陰。坐。都。不。辨。誰。家。書。
屋。喜。素。娥。不。惜。清。光。恰。照。美。人。幽。獨。回。想。鄉。園。此。

際玉肌正瘦損孤睡難足爲報春風莫便吹他待我
再斟醺醖東籬有客偏多事又譜入夜深橫竹算此
番醉倒何妨雪魄冰魂同宿

沁園春

杲亭成用稼軒韻

丁卯之春成我杲亭好風自來愛鄰樹參差借看新
綠湘簾掩映不到纖埃擁圖書喧無車馬豈必濠
梁金谷哉悠然處有朝暾初上午夢剛回相連舊
有茅齋傍曲磻層崖一徑開看小橋橫跨半灣流水

矮窗斜啓幾本疎梅此外何求吾還多事乞竹東家
雨後栽登臺望見南山疊翠松下徘徊亭前有
箕踞臺

賀新郎

同次山訪敘彝不值題壁而返卽用其元日

感懷韻

隱隱僧龕火忽相思拏舟逕去一帆風大算到村西
精舍裏定許笑顏同破只咫尺離情封裹底事雙扉
敲不應小詞兒問共何人做松徑冷暮雲鎖無繆
藉草書空坐料春山也嫌岑寂留予頗可偏是阿師

歸未穩。晚飯誰炊。香糯兼負了。梅花婀娜。今夜幸逢明月好。照狂徒再掠溪梢過。題此闕。壁間浣。

悼放菴上人和敘彝韻

底物能知汝。只牀頭濁醪。幾斗老梅一樹。每到開時。相對飲。不識世間愁苦。但罵座極酣而怒。紅豆吟成。先自賞付紅兒。急向旗亭去。曾百徧舊遊路。朝來花落。渾如雨。算浮生清談堪羨。昔年支許。纔共夜窗頻剪燭。轉眼故人何處。幸未聽。最銷魂語。寄跡溪南三十載。恠慈航忽把湯休渡。誰和我。暗香句。

鶯啼序

杲亭聽白涵彈琴

白涵性極孤峻居狎鷗磯每坐臥一室鳴琴自娛不

甚與人接雖同里中得聞其音者蓋少唯過梅蘆杲亭必攜琴鼓之終日不倦而杲亭頗有泉石竹木之勝尤覺寥亮可聽僕愧非子期然想伯牙不是過也聊作一詞紀之

空亭午餘睡足。悄沉沉似水。小簾外何處纖塵。竹陰
桐影交翠。篆煙裊茶聲漸熟。無端思入冰絃裏。恰多情
瀟灑中郎。抱來焦尾。拂拭橫紋一鼓。再鼓覺情
愔。繞指漫勾剔。幽咽重淵忽焉疑逗。天際雨初收。輕

雷不絕。殘梅飄落游絲綴。月明中。衰草平沙。夜涼鴻起。真珠瑟瑟。細澗淙淙。正聽酣若醉。頓變作曉鶯啼樹。百轉千轉。別鶴凌秋。數聲清啜。低徊欲斷。沉吟難罷。浮雲杳渺。隨風去。又吹來。柳絮無根。抵悠悠颺颺。還將換羽。移商引人。一往深矣。江波瀕洞。撲岸排空。恍峭崖裂墜。况刺促昵昵兒女。暗泣銀屏。款語靈狐怨啼。山鬼軒昂。又似千群驕馬。長嘶赴敵。三軍銳乍停揮。金鐵猶盈耳。依稀中散遺音。試問於今。廣陵絕未。

陳緯雲曰南耕及僕中表兄弟行也南耕僅小僕
二歲少日共讀書南山中相得歡甚後僕饑驅常
久客四方竟不得時時把臂每念之悵惘如失今
年春北歸過杲亭乃盡見南耕詞傾賞擊節之餘
因感嘆于兩人唱酬之寡又以見僕之流落雖小
藝尙未成不及南耕者不止一事也長夏荒村童
子叩門持南耕札至全詞已雕板訖同人各爲題
跋俾僕評其第五卷溽暑後樓下竹中讀之頓覺
清風爽氣拂拂生兩掖因又嘆僕家居日少邑中
山水之勝如善卷張公南澗蜀山輩皆年小時所
歷今已微茫不能全記憶矣又曾遊江右來往經
廬山下皆未遂登陟觀南耕匡廬雜憶溪山紀遊
諸闕益掩

卷憮然也

蔣京少曰南耕睥睨一切閉戶著書自署神仙中
人人亦往往以神仙目之昔嘗裹糧匡廬累歲不
出卽僦居里舍春則援梅鄧尉秋則訪桂南山蓋
歲以爲常也其賦性灑落有大過人者宜其爲詞

靈斂超逸俱在筆墨思議之外予每過從梅廬杲
亭之間輒手其一編至於忘倦南耕殆移我情也
不知南耕者讀南耕
詞可以知其所託矣

南耕詞卷六

宜興曹亮武南耕誤

南柯子

閨夜

玉剪裁衣悄。金釵約髻鬆。隱隱小窗中。隔窗聽不出。
一燈紅。

南鄉子

春閨

寒褪花初放。風輕日漸遲。起來閒趁没人時。研就粉。

箋追寫夢中詩

轉應曲

午睡

花。落。花。落。飄。向。翠。屏。珠。箔。東。風。枉。自。多。情。午。睡。和。愁。
未。醒。醒。未。醒。未。枝。上。流。鶯。聲。脆。

相見懽

新燕

定。巢。燕。子。差。池。未。啣。泥。細。認。去。年。人。面。意。遲。遲。應。
記。取。雙。棲。處。幾。何。時。只。是。去。年。人。瘦。恁。些。兒。

歸國謠

雨後春水大發阻我歸期舟夜憶內

春漲三尺逆流撐不上夜深孤宿村港累伊添夢想
他日好風偕往玉梅和月賞歸時須蕩雙槳綠波
平似掌

菩薩蠻

無題

小紅亭子人聲靜煥風無力搖花影午夢乍回時騰
騰有所思
驀聽纖屨響隔水遙相望牽地藕絲裙

行來一片雲。

又

重門寂寂深如海。塾中人惹。猶兒吠。幾欲撼銅環。仙源不可攀。分明花外走。小摘擡纖手。故意把儂聽。回頭細咳聲。

又

綺窗初鑷桃花面。鏡奩如水。人還倦。嬌眼溜橫波。含情爭奈何。湯移階下步。紅豆調鸚鵡。意態兩無窮。揀教看殺儂。

又

明金細壓弓鞋瘦。留仙裙底風吹縐。只合掌中行。須防飛燕輕。花枝難髣髴。道人如月人在月中扶。相看月不如。

又

美人遙贈紅粧枕。慚余未報葡萄錦。隔絕已銷魂。何須夢見頻。數聲天外雁。又過梧桐院。無奈一番秋。牽情不自由。

又

斜陽影裏蟬聲碎。粉融潮暈芙蓉醉。一陣水風涼。飄來珠翠香。月明人倚處。照見嬌如許。欲去奈他何。相思枕上多。

又

繡牀斜靠簾兒底。背人偎倚香雲膩。笑指兩鴛鴦。輸他睡柳塘。杜鵑聲愈緊。攣得春將盡。半晌不擡頭。平添幾許愁。

憶秦娥

閨情

人依舊鏡中偏覺。今春瘦。今春瘦。幾多清淚暗添衫袖。起來都是愁時候。碧紗窗外。東風透。東風透。惜騰睡也。夢魂安否。

前題

閒庭院。一番梳掠。無人見。無人見。自憐頭髻茜釵頻換。梅魂早被風吹斷。數來指上。春將半。春將半。定巢燕子。倩他爲伴。

前題

小門閉。桐陰寂寂。茶聲沸。茶聲沸。惟伊驚覺轉身重。

睡。鴨爐香燼飄來細。雙鬟添罷知人意。知人意。問伊真個日斜還未。

前題

秋懷惡。歡場好景偏蕭索。偏蕭索。重黏密甃。許誰知覺。吟蛩切切穿簾幕。寒檠一點燈花落。燈花落。輕魂雖賸。儘堪銷却。

憶漢月

鄧尉卽事

萬疊濛濛香雪。看足嫩晴時節。紅泥鬆軟未全乾。卽

出冶遊纖屨。隨他迤邐去。到重上蘭舟。方歇夜深。沽酒問楓橋。又了一番花月。

鵲橋仙

新秋暴風雨

雨爭雲疾。風兼雷怒。幾拔亭前花木。鄰家老幹作龍。翔似頃刻。天吳翻覆。炎威頓退。秋懷早潤。那待推完三伏。喧。厖。今夜不成眠。只怕捲杜陵茅屋。

臨江仙

憶兄

堪笑此身成底用。一腔熱血猶存。阿兄遼絕共誰論。
短檠聽暮雨。長欹睨浮雲。詩卷青山驚海內。慚予
五十無聞。慣牽魂夢過郊村。花繁扶作架。樹老曲爲
門。

前題

都道主人無擔石。相從却恠豪奢。不聞食客嘆無家。
高燒樺燭夜。促坐奏琵琶。十畝方塘連舍北。編籬
挿竹周遮。三間小閣萬荷花。雄談搖海嶽。醉墨走龍
蛇。

前題

種菊每成三百本。分莖逐蠹偏忙灌。園人在水中央。
閉門聊啜茗。開卷卽焚香。事近可傳多是癖。吾家
伯仲相當浮名身後總荒唐。有花常對酒。此計最爲
長。

前題

垂老弟兄貪會面。如何別已經年。憶來風味最悠然。
窗橫啼鳥樹。門繫釣漁船。寄我新詩頻夢我。料應
一樣纏綿幾時合併。故山前倡酬吾願足。自署兩神。

仙。

蝶戀花

本意用宋人韻

相逐雙雙來又去。似醉春心。慣宿花深處。香夢醒時
休自許。濛濛生怕飛紅雨。胃住游絲剛一縷。紈扇
誰翻。撲亂閑情緒。覓伴繡裙真錯誤。放伊重到尋芳
路。

送春再用前韻

杜宇一聲春欲去。春意闌珊。只在花飛處。擬散閒愁

春未許。廉纖幾陣黃昏雨。柳絲風飄千萬縷。春爲誰忙。攪得人無緒。把酒送春春莫誤。樓高目斷長亭路。

酷相思

自題杲亭

結箇小亭名曰杲。聊容膝。娛吾老。喜借樹鄰家看綠巧。日出也。東偏好。月出也。東偏好。曲水溶溶山外繞。一幅倪迂稿。有無數。閒花開不了。春來也。聽啼鳥。秋來也。聽啼鳥。

青玉案

味燕用賀方回韻

社前尋徧江南路。忍向他鄉去。壘就芹泥知幾度。
舊家門巷。美人庭戶。都是留伊處。雕梁軟語春將暮。
暮似解人間斷腸句。說與閒愁仍未許。掠些煙水啄些花絮。
剪斷絲絲雨。

水調歌頭

奉贈楊吳居學博兼壽太翁冷泉先生七十
憶昔酒仙句。不厭敬亭山。其中果產奇士。來下講堂。

鰓酷似君家伯起。又似江都董相漫說。此官寒我愧。
最驚鈍亦廁絳帷間。心旦旦口娓娓腹便便。今年
四十強仕。恰戲綵衣斑。况有生徒千百。敬獻一觥醇
醴。相與慶團圓。座上龐翁叟莞爾爲開顏。

贈金沙于臣虎

聞爾盛名久。相見落花天。留春與客同。住催去怕啼。
鵲人世難逢。易別別後相思。何益須放酒盃寬。肝膽
各傾瀉。緊繫過湖船。才八斗。揮綵筆。數千言。文選
樓中舊事。仗汝繼前賢。身是画溪野老。醉或吟風咏。

月藉以遣餘年。署日南耕草。不必萬人傳。

鳳凰臺上憶吹簫

閨怨

臉粉慵調。口脂嬾點。日高猶未梳頭。怕一簾花影。又惹春愁。况是年年三月。懨懨病。獨擁衾裯。驚心處。韶光似水。肯爲誰留。幽憂怎生睡也。揀銷盡。輕魂往事。都休。奈兩行珠淚。清夜長流。縱得夢中歡笑。醒來想沒甚根由。空腸斷。無人說與。倚徧南樓。

慶清朝慢

早春紀事用王通叟韻

江北江南翠華重。幸西湖十日纔還滿。堤柳舒花放。
趙破春寒來。往輕橈。急艚恍如天際下。翔鸞昇平甚。
求諸往古文景之間。蠲積賦除力役。人人最深處。
有幾多般真箇天顏咫尺。遮道爭看爲問蒼生疾苦。
恩波先及鬢毛斑。堪傳頌親攜綵筆題徧江山。

聲聲慢

輓周煥娘

煥娘者松江人武弁女也有殊色
性極聰慧孤潔技能無所不妙尤

愛彈三弦所適非偶不與近來幾鬱鬱
死猶處子也其盟姊痛念之聞而感賦

天公甚意剗落紅顏。古來直是一例。世上王郎何苦
定諧殊麗。堪憐。况是小玉枉施他。嫁時衿悅腸斷也。
向泉臺。恰似好花辭蒂。聞道三條絃裏。曾訴盡淒
涼許多情事。剪紙燈前。怎得喚伊更起。雙珠昔輝合
浦。自分攜黯。淡久矣。念此否料芳魂還灑別淚。

孤鸞

春夜聞風箏感舊用宋人韻

梅風輕軟。記隔歲今宵。月明香滿。媚臉盈盈。翠袖幾
回低捲。小鬟嬾添睡鴨。且休提枕。溫衾暖笑倚玉欄。

千外聽紙鳶頻喚。恁聲兒重到紅樓晚。奈轉眼淒涼事。如天遠。鬢影釵痕冷落早。春庭院。甚時酒闌燭灺。再看他。卸粧嬌顫。擬倩晴空撲。響促舊巢棲燕。

念奴嬌

和漱玉詞

嬾拈針線。弄蠻箋象管。小窗長閉。曾在畫堂東畔。見髮髯微聞香氣。杏子衫痕鬱金裙。摺洛浦間風味。迢迢難越。斷腸一紙誰寄。不道離緒牽人多愁多病。把枕頭孤倚。青鳥飛來頻問訊。恰似春蠶眠起。縱到

重逢漸成消瘦空抱相憐意此生休矣他生只恐還未

無題和洗鉛詞韻

閨蘭香氣似小窗幽思濛濛不絕倦倚雕欄擡皓腕
約畧肌膚凝雪詩句頻拈沉吟半晌擬倩雙斜說天
公何苦此生都判離別昨夜夢裏追尋可曾相值
未問心先怯舊恨縱然能遣盡又怕新愁黏接花解
留人一尊低勸酒暈微生頰徘徊欲去重來須看明
月

杲亭寫懷寄示敘葬上人卽用見贈原韻

數椽新築。恠有人錯把揚雄宅。比。薊。翳。半。從。鄰。舍。得。
微。映。朝。霞。如。綺。壘。石。憑。虛。種。松。作。蓋。箕。踞。看。雲。起。橫。
琴。試。鼓。鏗。然。一。曲。終。未。久。已。懶。情。非。常。阿。師。闊。絕。
悵。知。余。無。幾。忍。到。饑。時。寧。詣。謝。何。用。陶。胡。奴。米。短。味。
長。吟。淺。斟。深。酌。此。外。非。吾。事。晝。眠。驚。覺。老。魚。跳。躍。池。
尾。

己巳新歲徐南高姨丈齋中懸晉遺表弟杜

丹遺筆題此誌感用稼軒韻

桃符剛換正遙遙。未到牡丹時節。莫訝東皇催放了。
倚檻。胭脂嬌怯。此是君家多年粉本。妙手偏輕別傷。
心兩字。應教花替人說。今日花影還留人。如朝露。
又似初三月。君爲泫然餘舊恨。我亦新愁千疊。余方悼亡
准擬他時。姚黃魏紫。一例都攀折。不須重看省。添幾
許華髮。

看嬾

毘陵歸舟憶內時方臥疾

算施衿未幾。合色無何。雲鬢已霜染。半世黔婁婦。偏

多病慊慊晨暮如魘。倩誰針砭。惟倉公今日無驗。徒歸去。莫辦參苓價。更愁人心坎。孤對殘燈微閃。嘆
鋤耕未遂。怎便衰減。但願霍然起。長貧賤。牛衣相泣。
奚憾篷窗漫掩。且任他斜簷村店。問何處香醪能解。
此宵遠念。

春雲怨

將之當湖風雨阻嘉興城外用香膽詞韻

半生羈旅。慣三江飄泊。五湖來去。曾否恁般消受。整
日石尤連夜雨。老子蒙頭長年縮項。都學三眠蠶。

聚道蘊。茫茫祇園渺渺。隔絕在何處。村醪孤酌。憑誰訴。對殘釭欲滅。沉吟無語。心事江郎黯。然句想是前身浪擲。韶華墮來雲霧。早起愁看船頭篋。纜還繫半欹柳樹。

夢橫塘

靈巖

帆過香水路。入橫塘。靈巖山下。延佇世事。何常禁不。住一番懷古。響屨廊。傾采蓮歌斷。春衫誰舞。笑水犀軍甲十萬餘艘。只送得扁舟去。如今紺殿巍峩聚。

枯禪幾輩敲徹魚鼓韻。叶松濤相與伴暮煙。朝雨看
深。夜潮平。月冷一幅分明。沼吳譜任是空王也。應憫
悵歎繁華難駐。

五綵結同心

訪梅

春燈剛落。社燕未來。漸被東風吹暖。摘個船兒去。銅
坑路。雪壓瓊枝開徧。誰家画舫紗窗裏。有雙娥挑箏
擘阮。甚心情。山香一曲惹起舊愁新怨。月朗今夜
庭院悄。沉沉照着湘簾低捲。慢把銀釭剔。凝眸覷定。

是金荃蘭畹韶光細數原無幾只應與蕭娘爲伴悔
此番訪梅多事撇却如花人面

女冠子

燈下話舊

此生多負寸心展布何有三年曾見蘭陵精舍別淚
重添龍鍾雙袖中瓶東去後聞道又開蓮社當湖浦
口問家山一二舊戚魂夢果相忘否我來倚棹門
前柳喜萍踪忽聚却已兩眉皺離愁嘗透算半世雙
影生天能殼也非吾所取况是近來偏與病魔爲友

且篝燈聽雨剔明還剔照伊消瘦

賀新郎

亡婦七盡日生孫感賦

布卦方逢否。惟今朝數聲簷鵲悲中之喜。病婦竟從
泉路去。纔說子還生子。被造物錯綜兒戲。聚散霎時
渾似夢。便從頭勘破。何堪此難喚汝弄孫起。衰門
詎產駒千里。聽幃中呱呱而泣。清洪無比。憔悴阿翁
生意盡。仗爾家聲能繼。我亦爲乍停揮涕。他日嶄然
頭角見。學太丘共載牽車裏。殊不少長文矣。

近於南田齋中讀尊庵望江南十六詞備悉
遷安作令之苦時已擢郡丞入都候選賦
此寄懷兼述鄙况用珂雪詞韻

尙隔三千里望江南新詞寄到悲歌重起兩載宦羈
邊障苦沙漠風塵之際今幸擢還京單騎憶昔追歡
忘曉暮已銷磨少壯如流水吾惟汝一官耳近來
看鏡尤憔悴問誰憐神傷荀倩絃摧綠綺無奈生離
兼苑別出入酸淒而已身漸老如何堪此思得故人
相慰藉竟求仙竊藥同難事連夜夢在燕市

摸魚兒

悼亡用迦陵詞韻

亡婦自結襦以來猶纔不厭操作珠勒三十餘年有

如一日無愧少君孟光之風忽焉云亡哀痛何已感時觸序尤難爲懷爰賦十詞亦悲歌當哭之意云爾

忽從今朝朝暮暮都成腸斷時候。世間多少歡娛事。
料我死前無有期。皓首誰解識。倡隨只到中年後。玉
摧珠溜。縱地老天荒。那能相見。鬆得兩眉皺。渾如
夢枕上鴛鴦親繡。雙棲芳意微逗。抽書賭背聲猶在。
葉子棋兒會。鬪君念否。紙帳裏孤眠滋味。初嘗透。悼

亡人瘦。悵魂去難招。悠悠長夜何處寄紅豆。

前題用稼軒韻

怎能堪。這番除夕。燈前舉案人去。一尊杯酒。憑棺奠。
添入淚珠無數。啼且住。空望斷孤魂黯黯。迷歸路難。
逢笑語。算往事都非。迴風急。雪猶似卷飛絮。今休
訝半世遭逢多誤。病妻也。惹天妬。雙睂慣泥粧臺面。
惹地淒涼。誰訴。拚醉舞。君不見彭殤總則成塵土。何
須自苦。奈爆竹聲中。椒花影裏。攪碎寸腸處。

前題用易絲詞韻

問何須做成元日添人新恨如許。壁間遺掛。今猶在。
潘岳悼亡詩有。此事傷心。自古余更苦。是一段淒涼。
遺掛猶在壁句。此。事。傷。心。自。古。余。更。苦。是。一。段。淒。涼。
况味當衰暮。宛如枯樹。便交得春來。陽回寒谷。那有。
向榮處。千行淚。又似茅簷滴雨。眼前失恃兒女。雙。
棲比翼。生生願。還剩枕邊言語。渾莫據算。只有夜臺。
相見。同。坏。土。中。厨。誰。主。嘆。未。把。屠。蘇。空。餘。綵。燕。擲。却。
歲華去。

前題用青堂詞韻

憶同看打頭圓月。凭闌曾有人醉。今宵依舊圓如鏡。

好。倚。吳。剛。搥。碎。傷。逝。淚。已。化。作。杜。鵑。啼。血。尊。前。墜。支。
離。憔悴。拚。火。樹。休。提。星。毬。不。掛。相。伴。總。帷。裏。誰。憐。
我。消。受。恁。般。情。味。悲。酸。都。聚。睂。際。當。時。愛。聽。兒。童。鬧。
扶。下。香。階。猶。記。今。已。矣。把。世。上。歡。場。收。拾。重。泉。內。返。
魂。無。計。且。漫。檢。遺。奩。頻。拈。手。澤。幾。點。斷。金。翠。

前題用香膽詞韻

恨。無。端。芳。魂。莫。繫。繡。幃。夜。夜。虛。設。閒。釵。冷。藥。今。誰。戴。
兒。女。麻。衣。如。雪。堪。悲。切。早。已。近。匆。匆。上。塚。清。明。節。形。
衰。影。怯。算。底。事。花。開。任。教。春。去。杜。宇。儘。饒。舌。人。間。

苦除却生離死別。其餘直等毫髮生離。萬一重相見。
死別斷腸難說。無長物。只剩得當初會照香閨月。竟
成永訣。記片語。丁寧相憐相慰。怎禁淚痕歇。

前題用來邊詞韻

綠陰濃。又逢重五。風前團扇誰展。清尊縱泛菖蒲酒。
偏是意慵情倦。人不見。算只有夢中還對黔妻面。同
衾分淺。悵羅帕猶存。輕拈漫覷。贏得淚零滿。當年
事。纏臂鴛鴦綵線。釵符艾虎粧徧。星星早向雲鬟戴。
鏡裏迴眸凝盼。衫袖茜空記省。綺窗朱戶。擡香腕。蛛

綠網罥。曉軟語呢喃。雙飛雙宿。輪與画梁燕。

前題用江湖載酒詞韻

乍西風吹來佳節。舊時巴得天暮。穿針乞巧紅亭裏。

果亭

瓜菓紛陳無數。留且住。道其踞臺邊徑窄。須防仆。

滿果必爲臺名曰其踞歡情幾許也。漫學當初長生鈿盒密誓。

夜深語。

今何似天上一年一度人間千載辭去孤。

鶯。覩影悲鳴罷。若樣離愁如縷。誰窺黃君不見北邙。
蒿里。累累處墓。關松樹恨翠鬣難凋。雲連鵲。遮斷
鵲橋路。

前題用王竹澗韻

記中秋天香飄颺。催儂填罷新闕。如今翻徹傷心調。
字裏行間凝血。歡愛歇。頻囑付豐隆掩却團圓月。哀
腸欲絕。問樹作連枝花成並蒂。再世可重結。浮生
夢早被金鷄吹徹。曾添多少華髮。衰年到苑應無幾。
還歷滄桑初劫。那可說。且倩取水絃彈出離鷺。疊瀉
焉長別。怎不解人愁。誰家玉笛猶趁夜涼發。

前題用劉潛夫韻

強登高。無聊無賴。舉頭渾莫如舊。數聲哀雁孤飛處。

又是斷煙殘柳。揮涕久。記一晌彌留。欲別頻回首。當
初大謬。悔未倩長康傳神阿堵。追寫那能就。向未爲
亡婦寫

真其沒齒遺憾

傷心也。閒却題糕老手。鏡中忽已成叟。菊

花從此無心看。漫道銷愁惟酒。人定後。最怕說香閨

伉儷。冷烏有。恩情不朽。問環佩空歸。漆燈無燄。還誦

小詞否。

亡婦每誦小詞輒爲擊節

前題用秀草亭詞韻

最悽然。欹眠不寐。秋天分外難曉。當時慣共。秋夢
和夢。如今都少。庭院悄。渾不似水晶簾下。梳頭好。凭

闌獨眺正滿眼蒼涼白楊風颭幾縷脆絲裏斜陽
近數點歸鴉飛繞衰年傷盡懷抱珊珊定有魂來去
望斷晨昏偏番致服了留不住羅裙翠袖埋荒草分
離恁早想月淡星稀秋墳曲子應和楚些調

銀白涵日惜太史公計留侯之爲人必魁梧奇偉
而其圖如婦人好女惟其人與貌不類今南耕爲
人好義重然諾剛爽有氣遇事無回護必得直乃
已其讀其香奩諸作纏綿婉麗若不勝情者然亦
似其言與人不類或曰詞體宜爾也或曰皆寓言
也及讀至悼亡十閨其哀怨悱惻幾不欲生使讀
者亦留連反覆不能已乃知唯至性人乃能言情
亦惟詞能曲暢其情耳古稱離騷與日月爭光豈
以詞當美人香草而病之哉
既謂南耕詞可擬騷也亦宜

又曰唐宋詞皆可歌者也至元齣行而詞之聲遂
亾近者吾甥萬子紅友詞律一書出矩度森然若
國法之不可犯蓋聲雖亾而所以可歌者賴紅友
存之也南耕詞無一調不與之脗合若是者非盡
按其書爲之也而絲髮無爽異哉顧詞律所載諸
闕但覈其聲之協律而詞不必皆甚工南耕詞甚
工而又無不協于律讀者合而

參觀之可知其組修之嚴密矣

儲同人曰此卷皆南耕近作又兄弟朋友謹愛思
慕之音居多而悼亾詞屬焉太史公稱六藝曰詩
以道情南耕能自以哀樂之情嘯歌噪陶而達諸
其詞古詩爲不亾矣人之學詩而嫚長短句者有
之予謂詩家重賦特甚楊子雲猶詆其技以爲雕
蟲奚獨詞如曰六藝之遺則詞之工雖小其哀樂
感人亦足以不廢而助於教矣微南耕詞天下視
兄弟朋友夫婦泊乎汜乎若雲之浮而萍之遄相
值者其亦恬而不知惟也哉

歲寒詞序

曩陳子其年貽予消夏詞屬序見有曹子南耕和什深激賞之而未識其人今冬陳子次山過我復以歲寒倡和詞見示則曹子在焉蓋再遇之矣尙得云不識乎哉獨是其年已歸道山撫今追昔真有山陽之感夫人生百年死生契濶辟諸暑往寒來理之自然曹子交於大小阮之間而善歌能繼其聲斯亦松栢之後凋者矣然予在京師嘗與其年和歲寒詞時則有緯雲次山與玳山京少諸子

角立傑出今風流雲散而二君復有是作感慨之
餘繼以歎羨後來居上老夫且退三舍避之矣
康熙甲子臘月長洲尤侗漫題

歲寒詞小序

伯父檢討廵陵以倚聲樹幟里邑而中表伯則有
南耕曹君亦獨張一軍舉旗衝壘而出猶憶梅廬
月舫水檻山樓相與一觴一味銷沉歲時阿咸不
肯嘗得竊附竹林之末嗟乎檢討長埋廣陵已絕
此生已矣安能復事筆硯今年歲暮枋自濟上歸
南耕伯顧肯惠然兼示歲寒詞一編詩云既見君
子德音孔膠詞雖小道尙有典型曹君不遐棄我
枋其執鞭弭以從甲子除日表姪次山陳枋

南耕草堂集

歲寒詞

左與曹亮武南耕誤

采桑子

炙硯

著書十載成何用
雪壓霜濃呵凍難融
子把端溪撥火紅
何如焚却從吾好
硬箭強弓耳後生風
匹馬相隨曹景宗

南鄉子

驟日

霜鬢兩氈氈。萬慮俱捐覺夢甜。起擁敝裘無個事。
茅鷗膝背微溫。當酒酣。揮涕憶陳羣。架上空餘
字幾函。舊歲寒題未了。重拈日影初從一線添。
向與其年兄共擬作歲寒詞。未及一二。而其年應
召人都遂成。求訣今偶拈是題。不禁人琴之感。故
後段
又之

過秦樓

寒月

皓魄難圓。素娥常寡。此事費人愁思。霜風淒處。永
雪凝時。依舊清輝。垂地只恐立向短簷。削骨侵肌。

那堪端視笑窺簾映戶却遭拋撇紙窗深閉憶
共爾秋夜尋花春宵行酒屈指爲時曾幾人間薄
倖世上喜恩觸着暗彈清淚斜掛天邊一輪絕似
無慘羈臣孤子惹雙眸炯炯獨擁寒食不寐

別銀燈

寒藥

受觸琅玕欲碎聽慘罷六花還未撥盡炎灰磨殘
凍墨一盞寒藥斜背連宵天氣怎過得光兒逾細
直是冷清清地記起十年前事減處情親燒時

心○熱○那○怕○夜○長○難○寐○如○今○何○意○照○不○了○五○更○滋○味○
鳥夜啼

餓鳥

間○棲○禿○柳○偃○松○咽○酸○風○錯○料○稻○粱○肥○處○是○江○東○
飛○欲○去○愁○復○往○似○途○窮○况○是○雪○花○淅○淅○雨○濛○濛○
暗香

擬梅

凍○雲○如○墨○把○撥○春○心○事○盡○情○堆○積○恰○喜○乍○晴○側○帽○
閒○尋○舊○游○迹○幾○樹○瓊○枝○鐵○幹○早○迸○得○蓓○蕾○穠○密○縱○

不怕雪壓霜欺。欲綻却無力。寒勒都未坼。似嬌
女垂鬟見人生。澀舞筵歌席。記得風前。瓊猊籍。雖
則群芳。點淡忍冷落。粉香消息。含笑問可。釀到十
分之七。

玉蝴蝶

水仙花

幾萼水國仙姿。閒種小池磁。

吾邑蜀山歐
盆底有名

檀暈吐

凝脂煙輕未散時。形相何所似。就國澹蛾舒翠
袖。倚窗扉。含情欲訴誰。

點絳脣

天竹

鳥啄還留。代頭顆顆如紅豆。霜天染就。堪寄相思否。
字竊貧簪却比于霄瘦。何須喚百花凋後。讓汝猩猩透。

漁家傲

雪艇

萬里同雲天欲晦。孤舟點綴西溪尾。片片雪花低度也。魚不漁。簑白比羊裘矣。斜插篙兒日日。

蟻多情領畧寒滋味。薄移好沾村酒醉醒也未銷。
官失却青螺髻。

瑣寒窗

圍爐

雪壓荆關風生圭竇。悄然誰與一爐柑。袖獨撥開
愁無數。聽喁喁兒女未休膝邊多少。蜚盟語算團
圓咫尺十分勝却。昔年羈旅。斟觥微酣處。覺香
沁粳糜。柴煙若霧。怯寒食喚成歲。恁般情緒。歡人
生榮瘁。何常困窮。藉燭堪羨否。縱侯門熱燭熏天。

更幾番朝暮

臨江仙

煨芋

新葢黃茅三架屋。霜簷低覆柴門。地爐宿火撥猶溫。芋魁香便熟。飽食當朝飧。試問一區能幾斛。明年好種溪濱。畏寒時節最撩人。全收如杜老。無粟也非貧。

長相思

擁被

酒已醒。夢已醒。日上三竿。冰島鳴。惺忪睡不成。
冷難勝。嬾難勝。侵倚衾窩。若有情。拋他尙未能。

祝英臺近

糊窗

歲將殘。寒愈峭。夜夜倚窗臥。敗紙鴟鳴。有夢也難
做。搜些雪。蘭銀箋。糊來無縫。纔。掇得心情安妥。
蕙香坐。問他捲地狂飈。何計可吹我。更喜疎櫺。暗
色。燠如火。且呼舊日吟朋。新聲同倚。見一片晶熒。
難唾。

水調歌頭

寒雞

微物有五德。籠着。小窗間。昔時曾作人語。玄致至
今傳。中夜嘒嘒喔喔。那待曉鐘同報。想亦解愁寒。
若果孟嘗客。蕭爾出重關。睡難着。衾似鐵。夕如
年。漏聲聽到。稀處。鼓翼應花筵。乍可驚他。鶯夢。或
且爲之起舞。而我忒凄然。老情久無匹。孤館不成
眠。

楊妃山茶

直欲輕盈鬪麗華。肌膚凝雪堆紅霞。應是君王初
罷寵。傲寒花。杏臉桃腮音信杳。獨將春色暫時
賒。恰似玉容微醉後。隔窗紗。

蔚山溪

積雪

欺霜勝月晃耀誰堪偶。一抹總無痕。面溪間越然
明秀。瓊英玉屑堆積徧山家。斜陽瘦。西風吼。睨見
何時候。徧舟載酒興。比山陰否。舞絮壓晶鹽。噪

南華真經集
歸鴉入林非舊全埋三徑。偃臥儘袁安倪迂手合。
毫久此景描難就。

浣溪紗

水溪

一夜雙溪不肯流。布帆無力送行舟。近寒天氣晚
時休。風勁未搖波底月。日斜難覓水中鷗。錦成
水屋護龍湫。

八聲甘州

釀酒

用東坡
詞韻

釀瓊漿漸熟似潮來思壯歲將歸算安排春甕玉
缸輕擘幾剩餘暉苑便道傍埋我此語未全非了
却一年事爛醉忘機記取最難拋汝是猛風獵
獵朔雪霏霏人到中年後樂事料應稀壓槽丘珍
珠碎滴願牀頭滿貯莫相違何須慮賞花天氣典
盡春衣

南柯子

凍雀

無計尋餘粒何心噪野田忍寒小立凍簷前盼煞

南枝爭啖杏花天。鴈隼真堪怖。且羅劇可憐。
群黃口共啾然。慎爾相從飲啄在他年。

破陣子

寒更

長夜難憑酒力。覺來分外淒清。迺到枕函三兩點。
敲入心窩四五更。須知白髮生。歷歷從前苦夢。
茫茫向後堪驚。倍覺布衾寒勝鐵。多恐金壺漏欲。
冰小窗殘月明。

蘇幕遮

護國

似品釵如玉。飭天付幽香。消盡人間暑。歲晏相看。
疑欲訴。翠葉森森。恐惹群芳妬。密遮藏。勤擁護。
移向南榮。莫漫嗟遲暮。問嶠鯉。湖生長處。不耐寒。
威。須念離鄉土。

解連環

披裘

無端竟老。算生平所志。那存溫飽。到此日。敗絮裋
衣。總不敵霜威。儘傷懷。抱念舊誰耶。未須把絕交。

重○草○問○何○時○辦○就○幾○段○羊○皮○便○可○垂○釣○休○提○致○
身○應○早○歎○頭○顱○如○許○偏○只○潦○倒○若○比○蘇○季○歸○來○但○
金○盞○差○同○黑○貂○還○少○說○甚○披○裘○又○挨○近○年○殘○冬○杪○
任○紛○紛○擲○掄○路○鬼○吾○成○吾○傲○

玉樓春

蠟梅

相○憐○故○把○霜○簾○捲○冷○韻○寒○香○風○外○韻○羅○浮○別○種○殿○
群○芳○漏○洩○三○分○春○意○淺○初○疑○蠟○淚○流○無○算○又○似○
王○孫○醉○時○彈○壽○陽○粧○額○且○遲○遲○不○逐○飛○花○夢○中○換○

玉匣兒

焚雪

溪泉凍合。渾如鐵。笑文園倍增消渴。鸚鵡多情家。
僮頻喚。忙掃殘雪。貯來滿。煮冰壺。屑聽爐邊。颼
颼浙浙。一樣茗柯無過活。火吸罷。差別

唐多令

剖橘

萬樹絳囊懸。筠籠摘滿船。起霜風吹到吳天。隼罷
手香醒酒。惡甜似蜜。沁牙間。計日便須傳。擘他

仔細看。恨流光暗染華顛。種學李衡，還未遂千疋。
絹待何年。

沁園春

孤松

兀昇離奇生峭。輕間鬱乎蒼蒼。看千盤繡纈，形如
馬鬣。百尋鱗甲，勢若龍翔。昨夜狂飈，濤聲萬斛，恍
在滄洲極混茫。還須記，是秦封不受，挺立無雙。
那知桃李爭芳。共冷石寒潭，送夕陽。歎幾番物色，
誰能。刀鋸多年，領受却飽冰霜。歲月頗閒，雲山足

樂莫誤他時作棟梁根蟠處有茯苓似斗琥珀胎
香

予素患足疾今冬尤劇連旬僵臥敗絮蒙頭適
曹子南耕投歲寒詞一卷展讀一二篇如坐雪
車氷柱雖寒氣逼人而煩悶頓消及倚枕卒讀
又如對霜天松栢搖搖於萬卉凋殘之後勁挺
特出不覺霍然躍起號咷叫絕狂奴故態復萌
也同學竹逸徐階以借評

凍雲堆裏煮雪敲氷擁爐曝背冷淡生活耳讀
南耕歲寒諸詞則如龍躍天門虎跳鳳觀所謂
李青蓮詩文生來富貴唾效皆香較之陶杜窮
愁正可破顏一笑也同學湯思季謹識

南耕詞姿骨清立而聲情遒綿望而知爲幽人
爲奇士予素畏之未敢易視也癸亥冬與吳子
白涵天策約予爲荆南歲寒詞予碌碌未果甲
子予抱先子之痛苦塊中益不自聊賴而兩年

適屆奇寒曹子方呵指吮毫於冰澹雪覽間意
思廓如子鯨幽愁憂思不禁爲杖而起矣同學
牧人蔣景祁拜啟